



GOBIERNO DE LA
CIUDAD DE MÉXICO



CONSEJO PARA PREVENIR Y
ELIMINAR LA DISCRIMINACIÓN
DE LA CIUDAD DE MÉXICO
COPRED

Ciudad de México, a 20 de febrero de 2019

Pronunciamiento núm. 002

Moniki tik teixpantiske nik ueyi ipati uan ueyi techpaleuia in totlahtoltenan

- In Mexik tlapaleuia nik iluichiua in to tlahtoltenan.
- Kinmokutlauseke nochtin tlamatli tlahtol non kate ihkon amo kin pipinauiske.
- Moniki kinnotsaske miake non kimati tlahtolkopaske ihkon ika kipaleuiske tlamantli tlahtoltenan.

In kali kampa tlapaleuia kixpoloske nik teistlakoua nikan Mexik (COPRED)kihtoua uan kipaleuia amo mapoliuikan tlamantli tlahtoltenan, kimuistilia amatlahtol kampa kihtoua kachi ipan ma tlachiakan tlahtoltenan non yaixpoliui, Makita nik ueyi ipati uan ueyi techpaleuia ipan to Altepe uan noyihki makixtokakan nik in tokniuan, tlin tlahtol kipia, makmatikan nik kimpaleuia uan amo aka kin istlakos.

In totlahtoltenan ihkon kitokayotia nik, yen Tonantsin techmachtia, ika tech ixtlapoua, siuakokone o Tlakakokone, ihkon noyihki yeúan okinnauatihke nin ko'koltsitsiuan yen siuame kinmokuitlauseke nin piluan. Nik ika nin tla'tol kimixtlapoyua yehnon kixmati uan kikaki, ikanin tla'toltenan kixmati kenin kichihtok in taltikpaktl, tlonon kipia, kenin ipan nimi, kenin kimuistilis, tlin kitikipachoua, tlinkimachilia ni yolho, kenin kuali monotsas insepan oksiki niyolikniuan, kisasniki nik iuaxka nochi non kimokuitlauia ipanital.

Ipan taltikpaktl onka tlamantli tlahtoltenan, kaxtol sintsonatl, uan san nauipoual kaxtol poual uan chikuasen tlahtoua siki tokniuan nikan. Mexik kipia tlamantli tlahtol, kipoua yeyi poual uan chikueyi tlahtoltenan non nikan otlakatke, uan noyihki kinichikoua nik tlamantli tlapopoloxoua onka kaxtolpoual uan yeyipoual uan nauti, non sankixyehyikoua.

Uan noyihki, amonochtin tlahtolme kuali kin yekita, siki kin chikokixtia nik yakmo miake ika monotsa, ihkon amo kinkauilia makiteixpantican tlin kimati uan amo kinixmachiltia nik kahki se amatl kampa kihtoua nin onka akin kin paleuis ika nin tlahtol. Kate in tokniuian non amo tlakaki o non tlakati ompa altepeme amo kixmati koyotlahtol, noyihki, nin kimixkonnamiktia tlinkixmati ipanin taltikpaktl, kenin kihtoua okse kaltlapaleuil itoka (ONU):

“ Panoua kaxtol tonal ixpoliui se tlahtoltenan uan kuika nochi tlin okixmat ipan tlali kampa onimia uan tlin okitsikouaya itich ni tsontikon”

Nin milahkatlahtol den tlahtoltenan kimati nik ueyi ipati, kimuistilia uan kikaua kachi mamoxinacho. Matlahtokan kampamonikis, kampa kinkakiske, kampa kate tlanauatihke uan kampa tla itla itich moniki kualtis ika nin tlahtol mihtlanitiue o moteiluitiue, uan tlanauatik kinmokuitlouis, noyihki kinmokuitlouiske non yakmo miake kipia nin tlahtoltenanihkon amomaixpoliukan.

Nik kintikipachoua, ikanon kiteixpantia kintemoske miake non kimati tlahtolkopaske kuali makinyektomilikan, makixmatikan kampa otlakatke, kenin yiui ni nimilis, tlin kitikipachoua, kenin monauatia, mosepan paleuia, mosepantikiti o kenin ilhuichiua, nikoke mamotlapuilikan´ihkon kachi mixmatiske.

Amo kinmotlatlanilitiue kox kualtis kimpaleuiske ika nin tlahtol, itich amatlahtol kihtoua nik kema kimpaleuiske ompa kaltlanauatik, kiyektlaliske tla itla okse tlahtol poliui, kiteixmachiltiske ihkon tokniuian yaske kampa monikis uan amo kin istlakoske kihtohtok itich milahkatlahtol.